

四庫全書

史部

欽定四庫全書

史部
元史卷十一至
三

御史_臣徐如澍覆勘

總校官編修_臣朱鈐

欽定四庫全書

元史卷十一

明翰林學士亞中大夫知制誥兼修國史宋濂等修

本紀第十一

世祖八

十七年春正月癸卯朔萬麗國王王睹遣其僉議中贊
金方慶來賀兼奉歲貢丙午命萬戶綦公直戍巴實伯
里賜鈔一萬二千五百錠辛亥磁州永平縣水給鈔貸

之丙辰立遷轉官員法凡無過者授見闕物故及過犯者選人補之滿代者令還家以俟又定諸路差稅課程增益者即上報隱漏者罪之不須履畝增稅以搖百姓詔括江淮銅及銅錢銅器辛酉以海賊賀文達所掠良婦百三十餘人還其家廣西廉州海賊霍公明鄭仲龍等伏誅甲子敕泉州行省所轄州郡山寨未即歸附者率兵拔之已拔復叛者屠之以總管張瑄千戶羅璧收宋二王有功陞瑄沿海招討使虎符壁管軍總管金符

丁卯畋近郊詔毋以侍衛軍供工匠役戊辰敕姜衛檢
覈阿爾哈雅呼圖克特穆爾等所俘丁三萬二千人並
放為民置行中書省于福州改德慶路為總管府賜開
灤河五衛軍鈔二月乙亥張易言高和尚有秘術能役
鬼為兵遥制敵人命和爾果斯將兵與高和尚同赴北
邊丙子立北京道二驛丁丑塔爾巴噶以雲南行省軍
攻定昌路擒總管古納殺之詔令塔爾巴噶還以阿達
代之敕非遠方歸附人毋入會同館詔尼雅斯拉鼎將

萬人征緬國乙酉賞尼雅斯拉鼎所部征金齒功銀五千三百二十兩己丑命梅國賓襲其父應春瀘州安撫使職瀘州嘗叛應春為前重慶制置使張珏所殺國賓詣闕訴寃詔以珏畀國賓使復其父讎珏時在京兆聞之自經死國賓請贖還瀘州軍民之為俘者從之日本國殺國使杜世忠等征東元帥實都洪察球爾請自率兵往討廷議姑少緩之丙申詔真人析志誠等焚毀道藏偽妄經文及板庚子阿爾哈雅及尼雅斯拉鼎招緬國

及洞蠻降臣詔軍前定錄其功以聞江淮行省左丞夏
貴請老從之仍官其子孫哈喇所部和州等城為叛兵
所掠者賜鈔給之仍免其民差役三年發侍衛軍三千
浚通州運糧河輝和爾戶居河西界者令屯田辛丑以
廣中民不聊生召右丞達春左丞呂師夔廷詰壞民之
由命貢特密實賈居貞行宣慰司往撫之師夔至廷辯
無驗復令還省治事詔王相府於諸鄂囉市馬二萬六
千三百疋遣使代祀岳瀆賜諸王安巴堪訥默音所部

及征日本行省阿嚙罕范文虎等西錦衣銀鈔幣帛各有差又賜四川貧民及烏拉岱等馬牛羊價鈔三月癸卯命福建王積翁入領省事中書省臣以為不可改戶部尚書甲辰車駕幸上都思播州軍侵鎮遠黃平界命李德輝等往視之罷通政院官不勝任者丙午敕東西兩川發蒙古漢軍戍魚通黎雅乙卯立都功德使司從二品掌奏帝師所統僧人并吐番軍民等事已未詔討羅氏鬼國以蒙古軍六千哈喇章軍一萬西川雅爾哈

萬嘉努軍萬人阿爾哈雅軍萬人三道並進癸亥高郵等處饑賑粟九千四百石辛未立輝和爾境內交鈔提舉司給諤特古斯八部屯田牛具賜孟古岱等羊馬及皇子諾木罕下羊馬價夏四月壬申朔中書省臣言索多軍士擾民故南劔等路民復叛及孟古岱往招徠之民始獲安詔以孟古岱仍行省福州癸酉南康杜可用叛命史弼討擒之定杭州宣慰司官四員以游顯管如德呼圖克劉宣克之丙子隆興路楊門站復為懷安縣

庚辰四川宣慰使伊克德濟請賜海青符命以二符給之壬午史弼入朝乙酉以宋太常樂付太常寺改泗州靈壁縣仍隸宿州丁亥立杭州路金玉總管府甲午敕軍戶貧乏者還民籍丙申以羅佐山道梗敕阿爾哈雅發軍千人戍守以隆興泉州福建置三省不便命廷臣集議以聞己亥諸王哲伯特穆爾請各投下設官不從庚子歲星犯軒轅大星敕權停百官俸寧海益都等四郡霜真定七郡蟲皆損桑五月辛丑朔樞密院調兵六

百守居庸南北口甲辰作行宮于察汗諾爾丙午陞沙
州為路癸丑括沙州戶丁定常賦其富戶餘田令所戍
漢軍耕種詔雲南行省發四川軍萬人命雅爾哈領之
與前所遣將同征緬國高麗國王王瞻以民饑乞貸糧
萬石從之福建行省移泉州甲寅汀漳叛賊廖得勝等
伏誅造船三十艘救耽羅發材木給之庚申賜諸王伯
奇特穆爾銀印辛酉賜國師掌教所印賞巴延將士戰
功銀二萬八千七百五十兩真定咸平忻州漣海邵宿

諸州郡蝗六月辛未朔以呼圖克岱爾收籍拉瑪伊克
人民牛畜撥荒地令屯田壬申復招諭占城國丁丑索多
部下顧總管聚黨海道劫奪范文虎招降之復議寘于
法命文虎等集議處之安塔哈等請罷江南稅課提舉
司阿哈瑪特力爭詔御史臺選官檢覈其實以聞阿哈
瑪特請立大宗正府罷上都鄂囉官以留守司兼管鄂
囉事西安王薨罷其王相府遣呂告蠻部安撫使王阿
濟同萬戶咎坤招諭羅氏鬼國壬辰召范文虎議征日

本戊戌高麗王王暉遣其將軍朴義來貢方物江淮等處頒行鈔法廢宋銅錢遣博囉哈達等覈江淮行省阿里布雅克特穆爾錢穀改泗州隸淮安路賜呼喇圖呼巴哩等將士力戰者銀鈔及給伊克徹爾等軍士羊馬價鈔各有差秋七月辛丑廣東宣慰使特穆爾布哈言諸軍官宜一例遷轉江淮郡縣首亂者誅沒其家官豪隱庇佃民不供徭役宜別立籍各萬戶軍交參重役宜發還元翼詔中書省樞密院翰林院集議以聞敕思州

安撫司還舊治戊申太陰犯房距星以高麗國初置驛
站民乏食命給糧一歲仍禁使臣往來勿求索飲食已
酉立行省於京兆以前安西相李德輝為參知政事兼
領錢穀事徙泉州行省于隆興以托和木軍劫和卓輝
和爾城禾民饑命官給驛馬之費仍免賦稅三年太陰
犯南斗甲寅發衛兵八百治沙嶺橋救母踐民田戊午
從阿哈瑪特言以參知政事郝禎耿仁並為中書左
丞用姚演言開膠東河及收集逃民屯田漣海甲子遣

安南國王子倪還括蒙古軍成丁者赦伊爾等率萬人
入羅氏鬼國如其不附則入討之乙丑罷江南財賦總
管府丁卯併大都鹽運司入河間為一仍減汰冗員割
建康民二萬戶種稻歲輸釀米三萬石官為運至京師
戊辰詔括前願從軍者及張世傑潰軍使征日本命范
文虎等招集避罪附宋蒙古回回等軍已遣中使約
尼歷江南名山訪求高士且命持香幣詣信州龍虎山
臨江閣皂山建康三茅山皆設醮賜阿齊哈等及集賢

台等戰功銀鈔賜招收散毛等洞官吏衣段八月庚午朔
蕭簡等十人歷河南五路擅招拉木伊克戶事覺謫其為
首者從軍自効餘皆杖之乙亥改蒙古侍衛總管為蒙
古侍衛親軍都指揮使司丙子太陰犯心東星丁丑索
多請招三佛齊等八國不從鎮守南劔路萬戶呂宗海
竊兵亡去詔追捕之戊寅占城馬八兒國皆遣使奉表
稱臣貢寶物犀象以前所括願從軍者為軍付察呼領
之征日本丁亥許衡致仕官其子師可為懷孟路總管

以便侍養納碧玉盞六白玉盞十五於太廟癸巳賜西
平王所部糧戍戍高麗王王瞻來朝且言將益兵三萬
征日本以范文虎實都洪察球爾為中書右丞李庭張
瑄圖為參知政事並行中書省事賜奇爾濟蘇等鈔穆
爾烏克等羊馬齊喇拉等牛羊馬價及東宮位下齊哩
克昆等粟帛大都北京懷孟保定南京許州平陽旱濮
州東平濟寧磁州水九月壬子車駕至自上都壬戌伊
克德濟征鄂端癸亥命沿途廩食和琳回軍甲子太陰

掩右執法犯歲星乙丑守庫軍盜庫鈔巴喇噶齊分其
贓縱盜遁去詔誅之丁卯羅氏鬼國主阿察及阿里降
安西王相李德輝遣人偕入覲賜巴喇噶齊等羊馬價
二萬八千三錠及托勸下貧民糧三月冬十月庚午塔
爾巴噶軍與賊力戰者命給田賞之癸酉加高麗國王
王晷開府儀同三司中書左丞相行中書省事甲戌遣
使括開元等路軍三千征日本丙子賜雲南王和克齊
印丁丑以湖南兵萬人伐亦奚不薛亦奚不薛降戊寅

發兵十萬命范文虎將之賜右丞洪察球爾所將征日本新附軍鈔及甲辛巳立營田提舉司從五品置司柳林割諸色戶千三百五十五隸之官給牛種農具壬午詔立陝西四川等處行中書省以布哈為右丞李德輝汪惟正並左丞時德輝已卒甲申詔龍虎山天師張宗演赴闕已丑命達實窮黃河源辛卯以漢軍屯田沙甘壬辰亦奚不薛病遣其從子入覲帝曰亦奚不薛不稟命輒以職授其從子無人臣禮宜令亦奚不薛出乃還

軍癸巳詔諭和州諸城招集流移之民丙申命在官者
任事一月後乃給俸或廢事者斥之遣使諭瓜哇國及
交趾國始製象轎給齊喇等糧賜呼爾察家貧乏者十
一月己亥朔翰林學士承旨和爾果斯等言俱藍馬八
闍婆交趾等國俱遣使進表乞答詔從之仍賜交趾使
人職名及弓矢鞍勒降詔招諭瓜哇國乙巳置泉府司
掌領御位下及皇太子皇太后諸王出納金銀事敕別
置局院以處童匠有貧乏者給以鈔幣詔有罪配役者

量其程遠近犯罪當死者詳加審讞戊申中書省臣議
流通鈔法凡賞賜宜多給幣帛課程宜多收鈔制曰可
庚戌命和爾果斯揀汰交趾國使除可留者餘皆放還
辛亥敕緩營建工役壬子詔諭俱藍國使來歸附甲寅
太原路堅州進嘉禾六莖壬戌詔江淮行中書省招巧
匠甲子詔頒授時厯丁卯詔以瑪噶珊氏貧除倉站稅
課外免其役三年復遣宣慰使嘉琿孟慶元等持詔諭
占城國主令其子弟或大臣入朝詔江南江北陝西河

間山東諸鹽場增撥竈戶賜將作院呂哈喇工匠銀鈔
幣帛十二月庚午以江淮行省平章政事阿里布左丞
雅克特穆爾擅易命官八百員自分左右司官鑄銀銅
印違命不散防守軍敕誅之辛未以熟券軍還襄陽屯
田高麗國王王晞領兵萬人水手萬五千人戰船九百
艘糧十萬石出征日本給右丞洪察球爾等戰具高麗
國鎧甲戰襖諭諸道征日本兵取道高麗毋擾其民以
高麗中贊金方慶為征日本都元帥密直司副使朴球

金周鼎為管高麗國征日本軍萬戶並賜虎符癸酉以
高麗國王王暉為中書右丞相甲戌復授征日本軍官
元佩虎符丁丑用呼遜言以民當跼役十戶為率官給
一馬死則買馬補之戊寅以奉使木剌由國斯隆瑪等
為招討使佩金符己卯羅氏鬼國土寇為患思播道路
不通發兵千人與洞蠻開道甲申甘州增置站戶詔於
諸王戶籍內簽之乙酉敕民避役竄名匿戶者復為民
淮西宣慰使昂吉爾請以軍士屯田安塔哈等以發民

兵非便宜募民願耕者耕之且免其租三年從之丁亥
復詔管民官兼管諸軍鄂囉戊子以征也可不薛軍千
五百還塔海戍八番羅甸壬辰陳桂龍據漳州反索多
率兵討之桂龍亡入畚洞甲午大都重建太廟成自舊
廟奉遷神主于祔室遂行大享禮置鎮北庭都護府於
輝和爾境以托克托穆爾等領之丙申遼東路所益兵
以妻子易馬敕以合輸賦稅贖還之敕鏤板印造帝師
帕克斯色新譯戒本五百部頒降諸路僧人左丞相阿

珠巡歷西邊至巴實伯里以疾卒敕擅據江南逃亡民
田者有罪修桐栢山淮瀆祠以三茅山上清四十三代
宗師許道杞祈禱有驗命別主道教安南國來貢馴象
賜蠻洞主銀鈔衣物有差賑鞏昌常德等路饑民仍免
其徭役改拱衛司為都指揮司陞尚舍監秩三品立太
倉提舉司秩五品改建寧雷州封州廉州化州高州為
路以肇慶路隸廣南西道遷峽州路于江北舊治復置
鄆縣隸鞏昌路宿州靈璧縣復隸歸德是歲斷死罪一

百二人

十八年春正月戊戌朔高麗國王王晳遣其簽議中贊
金方慶來賀兼奉歲幣辛丑召阿嚙罕范文虎囊嘉特
同赴闕受訓諭以巴圖張珪李庭留後命實都洪察球
爾軍陸行抵日本兵甲則舟運之所過州縣給糧食用
范文虎言益以漢軍萬人文虎又請馬二千給托色呼
遜軍及回回砲匠帝曰戰船安用此皆不從癸卯發鈔
及金銀付博囉以給貧民丁未畋于近郊敕江南州郡兼用

蒙古回回人凡諸王位下合設達魯噶齊並令赴闕仍
詔諭諸王阿濟格等知之己酉改黃州陽羅堡復隸鄂
州辛亥遣使代祀嶽瀆后壬子高麗王王瞻遣使言
日本犯其邊境乞兵追之詔以戊金州隘口軍五百付
之丙辰車駕幸澌州改符寶局為典瑞監收天下諸司
職印丁巳制以六祖李全祐嗣五祖李居壽祭斗癸亥
邵武民高日新據龍樓寨為亂擒之賞寶都等戰功賜
征日本諸軍鈔二月戊辰發侍衛軍四千完正殿賜征

日本善射軍及高麗火長水軍鈔四千錠辛未車駕幸
柳林高麗王王暉以尚主乞改宣命益駙馬二字制可
乙亥敕以耽羅新造船付洪察球爾出征詔以刑徒減
死者付實都為軍揚州火發米七百八十三石賑被災
之家詔諭范文虎等以征日本之意仍申嚴軍律立上
都留守司陞叙州為路隸安西省移潭州省治鄂州徙
湖南宣慰司于潭州乙酉改輝和爾斷事官為北庭都
護府陞從二品丙戌征日本軍啓行瀾東饑發粟千二

百七十餘石賑之己丑發肅州等處軍民鑿渠溉田給
征日本軍衣甲弓矢海青符敕通政院官琿都與郭漢
傑整治水驛自叙州至荆南凡十九站增戶二千一百
船二百十二艘詔諭烏瑣納空等毋擾羅氏鬼國違者
令國王阿利具以名聞福建省左丞蒲壽庚言詔造海
船二百艘今成者五十民實艱苦詔止之乙未貞懿順
聖昭天睿文光應皇后鴻吉哩氏崩丙申車駕還宮詔
三茅山三十八代宗師蔣宗瑛赴闕遣丹達爾巴實等

詣東海及濟源廟修佛事以中書右丞行江東道宣慰使阿嚠罕為中書左丞相行中書省事江西道宣慰使兼招討使賁特密實參知政事行中書省事以遼陽懿蓋北京大定諸州早免今年租稅之半三月戊戌許衡卒己亥敕黃平隸安西行省鎮遠隸潭州行省各遣兵戍守甲辰命天師張宗演即宮中奏赤章於天七晝夜丙午車駕幸上都丙辰陞軍器監為三品辛酉立登聞鼓院許有冤者撾鼓以聞夏四月辛未益雲南軍征合

刺章癸酉復頒中外官吏俸辛巳通泰二州饑發粟二萬一千六百石賑之戊子置蒙古漢人新附軍總管甲午命太原五戶絲就輸太原自太和嶺至巴實伯里置新驛三十賜征日本河西軍等鈔五月癸卯禁西北邊回回諸人越境為商甲辰遣使賑瓜沙州饑戊申罷霍州輝和爾按察司己酉禁甘肅瓜沙等州為酒壬子免耽羅國今歲貢白紵丙辰以烏蒙阿穆宣撫司隸雲南行省歲星犯右執法庚申嚴鬻人之禁乏食者量加賑

貸壬戌詔括契丹戶敕耽邏國達嚕噶齊達喇齊禁高麗全羅等處田獵擾民六月丙寅敕賽音誇德齊和民齊分管鄂摩巴圖奇爾等八處民戶謙州織工百四十二戶貧甚以粟給之所鬻妻子官與贖還以太原新附軍五千屯田甘州丁丑以按察司所劾羨餘糧四萬八千石餉軍己卯以順慶路隸四川東道宣慰司安西等處軍站凡和顧和買與民均後增陝西營田糧十萬石以充常費壬午命耽羅戍力田以自給日本行省臣遣

使來言大軍駐巨濟島至對馬島獲島人言太宰府西
六十里舊有戍軍已調出戰宜乘虛擣之詔曰軍事卿
等當自權衡之癸未命中書省會計姚演所領漣海屯
田官給之資與歲入之數便則行之否則罷去丁亥放
奇徹所招獵戶七千為民庚寅以阿嚶罕有疾詔安塔
哈統率軍馬征日本壬辰高麗國王王晞言本國置驛
四十民畜凋幣敕併為二十站仍給馬價八百錠奉使
木剌由國沙木斯鼎至占城船壞使人來乞舟糧及益

兵詔給米一千四百餘石以中書左丞呼圖克特穆爾
為中書右丞行中書省事御史中丞行御史臺事呼喇
珠為中書左丞行尚書省事賜皇子諾木罕所部工匠
羊馬價鈔秋七月甲午朔命萬戶綦公直分宣慰使劉
思所將屯肅州漢兵千人入巴實伯里以嘗過西川兵
百人為嚮導丁酉敕甘州置和中所以給兵糧京兆四
川分置行省於河西己亥阿魯罕卒庚子括回回砲手
散居他郡者悉令赴南京屯田癸卯太陰犯房距星庚

戍以實都戍大和嶺所將蒙古軍還復令漢軍戍守以
松州知州布薩圖格前後射虎萬計賜號萬虎將軍賜
桂濟哈瑪爾圖所招和真淦等戶二千二百二十碑自
領之辛酉索多征占城賜馳蓬以辟瘴毒占城國來貢
象犀命天師張宗演等即壽寧宮奏赤章于天凡五晝
夜八月甲子朔招討使方文言擇守令崇祀典戢姦吏
禁盜賊治軍旅獎忠義六事詔廷臣及諸老議舉行之
丙寅熒惑犯諸侯西第三星庚午孟古岱為中書右丞

行中書省事辛未敕隆興行省參政劉哈瑪爾圖凡金穀造作專領之乙亥甘州凡諸投下戶依民例應站役申嚴大都總管府兵馬司左右巡院斂民之禁庚寅以阿嚙罕既卒命安塔哈等分戍三海口令安塔哈就招海中餘寇高麗國王王曙遣其密直司使韓康來賀聖誕節壬辰以開元等路六驛饑命給幣帛萬二千匹民鬻妻子者官為贖之詔征日本軍回所在官為給糧實都洪察球爾范文虎李庭金方慶諸軍船為風濤所激

大失利餘軍回至高麗境十存一二設醮于上都壽寧宮賜
鴻濟古爾部及茂齊哩克等羊馬價及重嘉努等助軍
羊馬鈔賜常河部軍貧乏者給過西川軍糧海南諸國
來貢方物給集賽台糧拘其所占田為屯田閏月癸巳
朔熒惑犯司怪南第二星安塔哈乞以戌三海口軍擊
福建賊陳吊眼詔以重勞不從救守縉山道侍衛軍還
京師壬寅瓜州屯田進瑞麥一莖五穗丙午車駕至自
上都庚戌太陰犯昴丁巳命播州每歲親貢方物改思

州宣撫司為宣慰司兼管內安撫使陞高麗簽議府為從三品敕中書省減執政及諸司冗員遣烏蘭哈達運沙城等糧六千石入和林括江南戶口稅課庚申安南國貢方物江西行省薦舉兵官命罷之壬戌詔鄂端等三城官民及呼圖克岱爾括布呼齊人口兩淮轉運使阿喇卜丹坐盜官鈔二萬一千五百錠盜取和買馬三百四十四疋朝廷宣命格而弗頒又以官員所佩符擅與家奴往來貿易等事伏誅賜謙州屯田軍人鈔幣衣

裘等物及給農具漁具償站匠等助軍羊馬價九月癸亥朔畋于近郊甲子增大都巡兵千人給鈔賑上都饑民癸酉商賈市舶物貨已經泉州抽分者諸處貿易止令輸稅益耽羅戍兵仍命高麗國給戰具庚辰還宮辛巳大都立蒙古站屯田編戶歲輸包銀者及真定等路拉木伊克戶並令屯田其在真定者與免皮貨癸未京兆等路歲額自一萬九千錠增至五萬四千錠阿哈瑪特尚以為未實欲覈之帝曰阿哈瑪特何知事遂止大

都新安縣民復和顧和買甲申太陰犯軒轅大星壬辰
占城國來貢賜修大都城侍衛軍鈔幣有差賞北征軍
銀鈔賜齊哩克昆及四鄂爾多下與范文虎所部將士
羊馬衣服幣帛有差冬十月乙未享于太廟貞懿順聖
昭天睿文光應皇后祔丙申募民淮西屯田己亥議封
安南王號易所賜安南國輝和爾字虎符以國字書之
仍詔諭安南國立日烜之叔遺愛為安南國王庚子溪
洞新附官鎮安州岑從毅縱兵殺掠迫死知州李顯祖

召從毅入覲壬寅賜征日本將校衣裝幣帛靴帽等物
有差乙巳命安南王府協濟戶及南山隘口軍於西安
延安鳳翔六盤等處屯田河西置織毛段匠提舉司丁
未安南國置宣慰司以北京路達嚕噶齊巴延特穆爾
參知政事行安南國宣慰使都元帥佩虎符柴椿鴻和
爾副之給鈔萬錠付河西行省以備經費己酉張易等
言參校道書惟道德經係老子親著餘皆後人偽撰宜
悉焚毀從之仍詔諭天下給隆興行省海青符命失里

咱呀信合八刺麻合迭瓦為占城郡王加榮祿大夫賜
虎符立行中書省于占城索多為右丞劉深為左丞兵
部侍郎伊埒默色參知政事庚戌敕以海船百艘新舊
軍及水手合萬人期以明年正月征海外諸番仍諭占
城郡王給軍食以安南國王陳遺愛入安南發新附軍
千人衛送詔諭于不昔國來歸附壬子用和爾果斯言
於揚州隆興鄂州泉州四省置蒙古提舉學校官各二
員以翰林學士承旨色埒默兼領會同館集賢院事以

平章政事樞密副使張易兼領祕書監太史院司天臺
事以翰林學士承旨和爾果斯守司徒改大都南陽真
定等處屯田布疋齊總管府為農政院癸丑皇太子至
自北邊丙辰以烏蘭哈達言上都南四站人畜困乏賜
鈔給之庚申籍西川戶辛酉邵武叛人高日新降給征
日本回侍衛新附軍冬衣賜劉天錫等銀幣僧額埒等
羊馬鈔諸王阿濟格等馬牛羊各有差十一月癸亥朔
詔諭特穆爾令歸附甲子敕誅陳吊眼首惡者餘並收

其兵杖繫送京師已已敕軍器監給兵仗付高麗沿海等郡奉使占城孟慶元孫勝夫並為廣州宣慰使兼領出征調度高麗國金州等處置鎮遑萬人府以控制日本高日新及其弟鼎新等至闕以日新兩為叛首授山北路民職文慶之屬遣還泉州賜有功將校二百二十三員銀十萬兩及幣帛弓矢鞍勒有差詔安南國王給占城行省軍食高麗國王請完濱海城防日本不允辛未給諸王阿濟格糧六千石甲戌太陰犯五車次南星

乙亥召法師劉道真問祠太乙法丁丑太陰犯鬼壬午
詔諭瓜哇國主使親來覲昌州及哈里泊民饑給鈔賑
之丙戌給鈔二萬錠付和林貿易救征日本回軍後至
者分戌沿海丁亥太陰掩心東星給揚州行省新附軍
將校鈔人二錠已丑賜安南國出征新附軍鈔賜禮部
尚書劉夢炎及出使馬八國溫都爾等鈔各有差十二
月甲午以昂吉爾岱為中書右丞相己亥罷日本行中
書省丙午太陰犯軒轅大星丁未議選侍衛軍萬人

練習以備扈從陞太常寺為正三品辛亥命西川行省
給萬家努所部兵杖癸丑敕免益都淄萊寧海開河夫
今年租賦仍給其傭直乙卯以諸王濟古爾所占文安
縣地給付屯田丙辰調新附軍屯田獲福州叛賊林天
成戮于市免福州路今年稅二分十八年以前租稅並
免徵以漢州德陽縣隸成都府改漳州為路賜禮部尚
書謝昌元鈔賞訥古伯戰功銀有差償阿濟格等助軍
馬價賜達爾哈沒籍戶五十是歲保定路清苑縣水平

陽路松山縣旱高唐夏津武城等縣蟲害稼並免今年租計二萬六千八百四十石斷死罪二十二人

元史卷十一

元史本紀卷十一考證

至元十八年二月乙未皇后鴻吉哩氏崩 案本傳作

至元十四年二月與此異

閏八月壬寅瓜州進瑞麥 案原本訛壬辰今據前後

干支改

九月壬寅賜征日本將校衣裝帶帛靴帽等物有差

按原本訛高麗今改正

十一月己丑賜出征新附軍鈔 案己丑原本訛己酉

是月癸亥朔至巳丑則四十七日以上文丁亥下月
甲午推之當係巳丑之誤今改

欽定四庫全書

元史卷十二

明翰林學士亞中大夫知制誥兼修國史宋濂等修

本紀第十二

世祖九

十九年春正月壬戌朔高麗國王王禕遣其大將軍金
子廷來賀丙寅罷征東行中書省丁卯諸王扎拉呼至
自軍中時皇子北安王以軍鎮阿里瑪圖之地以禦海

都諸王錫里濟與托克托穆爾扎木和拉色埒默等謀
劫皇子北安王以叛欲與扎拉呼結援海都海都不從
色埒默悔過執錫里濟等北安王遣扎拉呼以聞妖民
張圓光伏誅立太僕院撥信州民四百八戶隸諸王拜
穆爾丙子車駕畋于近郊丁丑高麗國王貢紬布四百
匹丙戌賜西平王集賽諾海等鈔一萬一千五百二十
一錠二月辛卯朔車駕幸柳林饒州總管姚文龍言江
南財賦歲可辦鈔五十萬錠詔以文龍為江西道宣慰

使兼措置茶法命司徒阿爾尼格行工部尚書諾海製
飾銅輪儀表刻漏改給駙馬昌吉印修宮城太廟司天
臺癸巳調軍一萬五千馬五千匹征也可不薛遣使代
祀嶽瀆后土甲午甘州逃軍二千二百人自陳願挈家
四千九百四十口還戍敕以鈔一萬六百二十錠布四
千九百四十匹驢四千九百四十頭給之議征緬國以
台布為右丞伊克德濟為參政領兵以行戊戌給巴實
伯里元帥綦公直軍需遣使往乾山造江南戰船千艘

庚子賜諸王塔喇海籍沒五十戶願受十二戶博爾歡
理算未徵糧二十七萬石詔徵之士寅陞軍器監秩三
品命軍官陣亡者其子襲職以疾卒者授官降一等具
為令授溪洞招討使郭昂等九人虎符仍賞張溫顏義
顯銀各千兩收鴻和爾托輝民匠九百五十三戶入官
乙巳立廣東按察司戊申車駕還宮己酉減省部官冗
員改上都宣課提領為宣課提舉司立鐵冶總管府罷
提舉司減大都稅課官十四員為十員改羅羅斯宣慰

司隸雲南省徙浙東宣慰司於温州分軍戍守江南自
歸州以及江陰至三海口凡二十八所庚戌以參知政
事唐古特等六人鎮守黃州建康江陵池州興國壬子
詔僉亦奚不薛及播思叙三州軍征緬國癸丑大良平
元帥蒲元圭遣其男世能入覲甲寅車駕幸上都申嚴
漢人軍器之禁丁巳安州張勑驢以詐敕及偽為丞相
博囉署印伏誅戊午賜雲南使臣及陝西簽省巴拜以
下銀鈔衣服籍福建戶數三月辛酉朔烏蒙民叛敕諾

海哈喇蘇默率蒙古漢人新附軍討之賞呼圖克岱爾等戰功牛羊馬益都千戶王著以阿哈瑪特蠹國害民與高和尚合謀殺之壬午誅王著張易高和尚于市皆醢之餘黨悉伏誅甲申德濟特哩以已貲充屯田之費諸王阿濟格以聞敕酬其直丙戌禁益都東平沿淮諸郡軍民官捕獵戊子立塔爾巴噶驛以烏蒙阿穆歲所輸駟馬給之以領北庭都護阿必實克為御史大夫行御史臺事夏四月辛卯敕和爾果斯集中書省部御史

臺樞密院翰林院等官議阿哈瑪特所管財賦先封籍
府庫丁酉以和爾果斯為中書右丞相降右丞相昂吉
爾岱為留守仍同僉樞密院事戊戌征蠻元帥諤勒哲
圖等平陳弔眼巢穴班師賞其軍鈔令還家休息遣揚
州射士戍泉州陳弔眼父文桂及兄弟桂龍滿安納款
令護送赴京師其黨吳滿張飛迎敵就誅之敕以大都
巡軍隸留守司壬寅立回易庫中書左丞耿仁等言諸
王公主分地所設達嚕噶齊例不遷調百姓苦之依常

調任滿從本位下選代為宜從之以留守司兼行工部
敕自今歲用官車勿賦於民可即灤河造之給其糧費
甲辰以甘州中興屯田兵逃遂太原誅拒命者四人而
賞不逃者乙巳以阿哈瑪特家奴呼圖克岱爾等久總
兵權令布敦代之仍隸大都留守司弛西山薪炭禁以
阿哈瑪特之子江淮行中書省平章政事呼遜罪重於
父勘之考覈諸處平準庫汰倉庫官御史臺臣言見
在贓罰鈔三萬錠金銀珠玉幣帛稱是詔留以給貧乏

者丙午收諸王拜特穆爾總軍銀印敕伊魯勒昆依僧
例給糧戊申寧國路太平縣饑民採竹實為糧活者三
百餘戶敕出使人還不即以所給符上與上而有司不
即收者皆罪之凡文書並奏可始用御寶已酉刊行蒙
古輝和爾字所書通鑑以和爾果斯為右丞相詔天下
庚戌行御史臺言阿爾哈雅占降民為奴而以為征討
所得有旨降民還之有司征討所得藉其數量賜臣下
有功者以興兵問罪海外天下供給繁重詔慰諭軍民

應有逋欠錢糧及官吏侵盜並權停罷設懷孟路管河渠使副各一員拘括江南官豪隱匿逃軍壬子罷江南諸司自給驛券丙辰敕以妻女姊妹獻阿哈瑪特得仕者黜之覈阿哈瑪特占據民田還其主庇富強戶輸賦其家者仍輸官北京宣慰使阿喇卜丹濫舉非才為管民官命選官代之議設鹽使司賣鹽引法擇利民者行之仍令按察司磨刷運司文卷定民間貸錢取息之法以三分為率定内外官以三年為考滿任者遷敘未滿

者不許超遷禁吐蕃僧給驛太繁擾害於民自今非奉
旨勿給給控鶴人鈔一萬五錠及其官吏有差五月已
未朔鈎考萬億庫及南京宣慰司汰省部官阿哈瑪特
黨人七百十四人已革者百三十三人餘五百八十一
人並黜之瀘州管軍總管李從坐受軍士賄縱其私還
致萬戶卓諾等為賊所殺伏誅籍阿哈瑪特馬駝牛羊
驢等三千七百五十八追治阿哈瑪特罪剖棺戮尸通
玄門外罷南京宣慰司及江南財賦總管府丁卯降各

省給驛璽書戊辰併江西福建行省去江南冗濫官免
福建山縣鎮店宣課禁當路私人權府州司縣官招諭
畬洞人免其罪禁差戍軍防送禁人匠提舉擅招匠戶
已已遣浙西道宣慰司同知劉宣等理算各鹽運司及
財賦府茶場都轉運司出納之數籍阿哈瑪特妻子親
屬所營資產其奴婢縱為民罷宣慰使所帶相銜壬申
鎖緊耿仁至大都命中書省鞫之庚辰議於平灤州造
船發軍民合九千人令特默齊巴延岱領之伐木於山

及取於寺觀墳墓官酬其直仍命僧格遣人督之癸未
給大都巴圖爾正軍夏衣和爾果斯言省部濫官七百
十四員其無過者五百八十一員姑存之沿海左副都
元帥石國英請以稅戶贍軍軍逃死者令其補足站戶
苗稅貧富不均者宜均其役又請行鹽法汰官吏罷捕
戶詔中書集議行之張惠阿里罷以甘肅行省左丞敏
珠爾丹為中書右丞行御史臺御史中丞張雄飛參知
政事乙酉元帥蔡公直請黜逃軍仍使從軍及設立治

塲於巴實伯里鼓鑄農器從之丙戌巴實伯里城東三百餘里蝗害麥六月己丑朔日有食之芝生眉州甲午阿哈瑪特濫設官府二百四所詔存三十三餘皆罷又江南宣慰司十五道內四道已立行中書省罷之乙未發六盤山屯田軍七百七十人以補劉恩之軍敕宣慰司等官毋役官軍丙申發射士百人衛丞相他人不得援例戊戌以占城既服復叛發淮浙福建湖廣軍五千海船百艘戰船二百五十命索多為將討之亡宋軍有

手號及無手號者並聽為民己亥命何子志為管軍萬戶使暹羅辛丑籍阿哈瑪特妻子壻奴婢財產癸卯禁濫保軍功乙巳招無籍軍給衣糧己酉賞太子府宿衛軍禦盜功給鈔馬有差無妻者以沒官寡婦配之以阿哈瑪特居第賜和爾果斯壬子敕中外百官立限決事癸丑從和爾果斯言罷司徒府及農政院鎖繫呼遜赴揚州鞠治丁巳征亦奚不薛盡平其地立三路達魯噶齊留軍鎮守命雅爾哈總之以伊蘇岱爾為都元帥宣

慰使秋七月戊午朔日有食之立行樞密院於揚州鄂
州庚申命行御史臺揀汰各道按察司官辛酉剖却禎
棺戮其尸壬戌命以官錢給戍軍費而以各鄂囉所征
還官禁諸位下營運錢貨差軍護送高麗國王請自造
船一百五十艘助征日本戊辰征鴨池回軍屯田安西
以鈔給之庚午令蒙古軍守江南者更番還家壬申發
察汗諾爾軍千人治晉山道立馬湖路總管府癸酉賜
高麗王王璿金印癸酉宣慰孟慶元萬戶孫勝夫使瓜

哇回為孟古岱所囚詔釋之丁丑罷汪扎拉台總帥收
其制命虎符以鞏昌路達嚕噶齊布色特穆爾為鞏昌
平涼等處二十四處軍前便宜都總帥府達嚕噶齊以
蒙古人博囉領湖北辰沅等州淘金事戊寅議築阿寶
達必寶古皇城樞密院言用木十二萬地遠難致依察
汗諾爾築土為牆便從之乙酉詔賜諸王塔海特穆爾
呼圖克特穆爾等金幣有差闍婆國貢金佛塔發米賑
奇爾濟蘇貧民八月丁亥朔給乾山造船軍匠冬衣及

新附軍鈔庚寅孟古岱征羅氏鬼國還仍佩虎符為管
軍萬戶辛卯以阿巴齊督運糧癸巳發羅羅斯等軍助
征緬國辛亥併淄萊路田索二鎮仍於驛臺立新城縣
治大駕駐蹕龍虎臺江南水民饑者衆真定以南旱民
多流移和爾果斯請所在官司發廩以賑從之申嚴以
金飾車馬服御之禁又禁諸鹽官不得令人匠私造器
物甲寅聖誕節是日還宮乙卯御正殿受皇太子諸王
百官朝賀丙辰謫尼格塔納戌占城以贖罪九月丁巳

朔賑真定饑民其流移江南者官給糧使還鄉里敕中書省窮治阿哈瑪特黨布色台請於諾爾布實哩庫立驛從之以阿哈瑪特沒官田產充屯田籍阿里家戊午誅阿哈瑪特第三子阿薩爾剝其皮以徇庚申汰冗官游顯乞罷連海州屯田以事隸管民官從之以顯平章政事行省揚州福建宣慰司獲倭國諜者有旨留之辛酉誅耿仁蘇都爾丹及阿哈瑪特第四子實都招討使楊庭璧招撫海外南番皆遣使來貢俱藍國主遣使奉

表進寶貨黑猿一頭旺國主忙昂以其國無識字者遣使四人不奉表蘇木都速國主土漢八的亦遣使二人蘇木達國相臣那里八合刺攤赤因事在俱藍國聞詔代其主打古兒遣使奉表進指環印花綺段及錦衾二十合寓俱藍國伊囉勒昆主鄂特色爾丕勒瑪亦遣使奉表進七寶項牌一藥物二瓶又管領穆蘇愛滿瑪哈穆特亦遣使奉表同日赴闕壬戌禁諸人不得沮撓課程教官吏受賄及倉庫官侵盜臺察官知而不糾者驗

輕重罪之中外官吏贓罪輕者杖決重者處死言官緘
默與受贓者同罪仍詔諭天下乙丑簽亦奚不薛等處
軍丁卯安南國進貢犀兕金銀器香藥等物增給元帥
綦公直軍冬衣鈔已已命軍站戶出錢助民和顧和買
籍雲南新附戶自烏蘭哈達鎮雲南凡八籍民戶四籍
民田民以為病至是令已籍者勿動新附者籍之定雲
南稅賦用金為則以貝子折納每金一錢直貝子二十
索罷雲南宣慰司壬申敕平灤高麗耽羅及揚州隆興

泉州共造大小船三千艘亦奚不薛之北蠻洞向世雄
兄弟及散毛諸洞叛命四川行省就遣亦奚不薛軍前
往招撫之使與其主偕來癸酉誅阿哈瑪特姪宰努鼎
罷呼遜黨馬璘江淮行省參知政事乙亥遣使括雲南
所產金以博羅為打金洞達嚕噶齊戊寅給新附軍賈
祐衣糧祐言為日本國焦元帥壻知江南造船遣其來
候動靜軍馬壓境願先降附辛巳敕各行省止用印一
餘者拘之及拘諸位下印發鈔三萬錠於隆興德興府

宣德州和糴糧九萬石壬午賜諸王阿濟格金五千兩
銀五萬兩釐正選法置黑簿以籍阿哈瑪特黨人名令
諸路歲貢儒吏各一人各道提刑按察司舉廉能者陞
等遷叙冬十月丁亥朔增兩浙鹽價詔整治鈔法己丑
敕河西僧道伊嚕勒昆有妻室者同民納稅庚寅以歲
事不登聽諸軍捕獵於汴梁之南辛卯以平章軍國重
事監修國史耶律鑄為中書左丞相壬辰享于太廟罷
西京宣慰司丙申立詹事院以鄂勒哲為右詹事賽音

為左詹事由大都至中灤中灤至瓜洲設南北兩漕運
司立蘆臺越支三义沽鹽使司河間滄清山東濱樂安
及膠萊莒密鹽使司五牧籍沒財物精好者及金銀幣
帛入內帑餘付刑部以待給賜禁中出納分三庫御用
寶玉遠方珍異隸內藏金銀濟遜衣段隸右藏常課衣
段綺羅縑布隸左藏設官吏掌鑰者三十二人仍以宦
者三十二人董其事減太府監官癸卯命崔彧等鈎考
樞密院文卷甲辰占城國納款使回賜以衣服乙巳遣

阿達招降法里郎阿魯乾伯等國罷屯田總管府以其
事隸樞密院令管軍萬戶兼之丙午以汪惟孝為總帥
丁未女直陸實自請造船運糧赴鬼國贍軍從之議征
又巴洞庚戌以四川民僅十二萬戶所設官府二百五
十餘令四川行省議減之移成都宣慰司於碶門罷利
州及順慶府宣慰司禁大都及山北州郡酒詔兩廣福
建五品以下官從行省就便銓注耶律鑄言有司官吏
以采室女乘時害民如今大郡歲取三人小郡二人擇

其可者厚賜其父母否則遣還為宜從之籍京畿隱漏
田履畝收稅命游顯專領江浙行省漕運乙卯命堅通
專掌奏記誅阿哈瑪特長子呼遜第二子瑪蘇庫於揚
州醢之十一月戊午上都建利用庫賜太常禮樂籍田
等二百六十戶鈔千二百錠甲子給譙州屯田軍衣服
丁卯給和琳戍還軍校銀鈔幣帛江南製封衍聖公孔
洙入覲以為國子祭酒兼提舉浙東道學校事就給俸
祿與護持林廟璽書詔以阿哈瑪特罪頒告中外凡民

間利病即與興除之壬申以勢家為商賈者阻遏官民
船立沿河巡禁軍犯者沒其家癸酉分元帥蔡公直軍
戍察遜甲戌中書省臣言天下重囚除謀反大逆殺祖
父母父母妻殺夫奴殺主因姦殺夫並正典刑外餘犯
死罪者令充日本占城緬國軍從之改鑄省印丙子四
川行省招諭大盤洞主向臭友等來朝戊寅耶律鑄言
前奉詔殺人者死仍徵燒埋銀伍十兩後止徵鈔二錠
其事太輕臣等議依蒙古人例犯者沒一女入仇家無

女者徵鈔四錠從之以袁州饒州興國軍復隸隆興省
馬八兒國遣使以金葉書及土物來貢罷都功德使圖
烈其修設佛事妄費官物皆徵還之賜貧乏者哈喇塔
爾巴噶等羊馬鈔十二月丁亥命阿勒哈領范文虎等
所有海船三百艘壬辰中書左丞張文謙為樞密副使
乙未中書省臣言平原郡公趙與芮瀛國公趙羆翰林
直學士趙與鼎宜並居上都帝曰與芮老矣當留大都
餘如所言繼有旨給瀛國公衣糧發遣之唯與鼎勿行

以中山薛保住上匿名書告變殺宋丞相文天祥癸卯
御史中丞崔或言臺臣於國家政事得失生民休戚百
官邪正雖王公將相亦宜糾察近唯御史有言臣以為
臺官皆當建言庶於國家有補選用臺察官若由中書
必有偏徇之弊御史宜從本臺選擇初用漢人十六員
今用蒙古人十六員相參巡歷為宜從之浚濟川河降
拱衛司復正四品仍收其虎符罷湖廣行省金銀鐵冶
提舉司以其事隸各路總管府以建康淘金總管府隸

建康路中書右丞扎薩克為平章政事罷解鹽司及諸
鹽司令運司官親行調度鹽引罷南京屯田總管府以
事隸南陽府阿爾哈雅復鎮遠軍發軍千人戍守以其
地與西川行省接就以隸焉詔立帝師達爾瑪巴拉喇
吉塔掌玉印統領諸國釋教造帝師帕克斯巴舍利塔
免鞏昌等處積年所欠田租稅課賜皇子北安王位下
塔齊爾等馬牛羊各有差

二十年春正月丙辰朔高麗國王王璿遣其大將軍俞

洪慎來賀已未納皇后鴻吉哩氏辛酉賜諸王徹伯爾
印賞諸王必齊克特穆爾駙馬昌吉軍鈔救諸王公主
駙馬得江南分地者於一萬戶田租中輸鈔百錠准中
原五戶絲數癸亥敕雅爾哈領軍征緬國乙丑高麗國
王王賻遣使烏拉岱貢氍布線紬等物四百段和爾果
斯言去冬中山府奸民薛保住上匿名書妄效東方朔
書欺罔朝廷希覬官賞救誅之又言自今應訴事者必
須實書其事赴省臺陳告其敢以匿名書告事重者處

死輕者流遠方發其事者給犯人妻子仍以鈔賞之又
阿哈瑪特專政時衙門太冗虛費俸祿宜依劉秉忠許
衡所定併省為便皆從之設務農司敕諸事赴省臺訴
之理決不平者許詣登聞鼓院擊鼓以聞預脩征日本
軍糧令高麗國備二十萬石以安塔哈依舊為征東行
中書省丞相丙寅發五衛軍二萬人征日本發鈔三千
錠糴糧于察汗諾爾以給軍匠以燕南河北山東諸郡
去歲旱稅糧之在民者權停勿徵仍諭自今管民官凡

有災傷過時不申及按察司不即行視者皆罪之刑部
尚書崔彥言時政十八事詔中書省與御史大夫伊蘇
特穆爾議行之罷上都回易庫丁卯巴延岱等伐船材
于拉鄂特山乾山凡十四萬二千有奇起諸軍貼戶年
及丁者五千人民夫三千人運之己己太陰犯軒轅御
女賜諸王伊爾根特訥克諾木齊金各五十兩金衣襖
一庚午以平瀝造船去運木所遠民疲於役徙於陽河
造之壬申御史臺言燕南山東河北去年旱災按察司

已嘗閱視而中書不為奏免民何以堪請權停稅糧制
曰可移鞏昌按察司治甘州命右丞實喇特穆爾及萬
戶三十五人蒙古軍習舟師者二千人特默齊萬人習
水戰者五百人征日本丁丑以招討楊廷璧為宣慰使
賜弓矢鞍勒使諭俱藍等國己卯命諸軍習舟楫給鈔
八千錠於隆興宣德等處和糴以贍之庚辰太陰入南
斗壬午車駕畋于近郊以四川歸附官楊文安為荊南
道宣慰使改廣東提刑按察司為海北廣東道廣西按

察司為廣西海北道福建按察司為福建閩海道肇昌
按察司為河西隴北道癸未撥呼蘭及塔爾巴噶等四
千戶隸皇太子位下壬戌敕於圖烈圖等富戶內貸牛
六百頭給奇勒噶蘇之貧乏者二月戊子定兩廣四川
戍軍二三年一更廩其家屬軍官給俸以贍之賜俱藍
國王瓦你金符賜駙馬阿爾圖江南民千戶以春秋仲
月上戊日祭社稷及武成王庚寅太陰掩昴癸巳敕鄂
拓克錢仍其舊丁酉給巴實伯里屯田軍戰襖庚子敕

權貴所占田土量給各戶之外餘悉與集賽台等耕之
減四川官府併西川東西北三道宣慰司及潼川等處
鎮守萬戶府新軍總管府威灌茂等州安撫司十四路
是夜太白犯昴辛丑定軍官選格立官吏贓罪法壬寅
太白犯昴乙巳令隆興行省遣軍護送占城糧船太陰
犯心丁未定安洞酋遣兄弟八覲敕給驛馬己酉陞拉
木伊克監秩正五品癸丑諭中書省大事奏聞小事便
宜行之毋致稽緩甲寅降太醫院為尚醫監改給銅印

立江南等處官醫提舉司賜日本軍官布古岱及軍士
銀鈔有差遣官錄揚州囚徒三月丁巳諸王星納噶圖
設王府官三員以萬戶布都瑪勒鎮守金齒罷女直造
日本出征船罷河西行御史臺立鞏昌等處行工部罷
福建市舶總管府存提舉司併泉州行省入福建行省
免福建歸附後未徵苗稅以庫庫尼敦治江淮行省或
言其過命烏訥格台巴延佐之戊午以新附洞蠻酋長
為千戶己未歲星犯鍵閉罷京兆行省立行工部御史

臺臣言平濠造船五臺山造寺伐木及南城建新寺凡役四萬人乞罷之詔伐木建寺即罷之造船一事其與省臣議前後衛軍自願征日本者命選留五衛漢軍千餘具新附軍令悉行庚申太陰犯井辛酉賞諸王赫伯弟孟古岱所部軍士戰功銀鈔幣帛衣服各有差給甘州戍軍鈔壬戌太陰犯鬼乙丑命烏訥格台往揚州錄囚遣江北重囚謫征日本立雲南按察司照刷行省文卷罷淮安等處淘金官惟計戶取金以阿哈瑪特綿絹

絲線給貧民工匠給王傳諤尼庫特齊印給西川福建
兩廣之任官驛馬以湖南宣慰使張鼎新行省參知政
事樊楫等嘗阿附阿爾哈雅敕罷之丙寅車駕幸上都
江西行省參政完顏諾海坐越例驟陞及妄舉一百九
十八人入官罷之罷河西辦課提舉司丁卯增置蒙古
監察御史六員己巳歲星犯房癸酉歲星掩房廣州新
會縣林桂芳趙良鈐等聚衆僞號羅平國稱延康年號
官軍擒之伏誅餘黨悉平乙亥罷諸處役夫遣安塔哈

戊察遜和塔拉默色帥甘州新附軍往鄂端己卯給各
衛軍出征馬價鈔辛己立輝和爾四處驛及交鈔庫壬
午祀太一罷福建道宣慰司復立行中書省于漳州以
中書右丞張惠為平章政事御史中丞額森特穆爾為
中書左丞並行中書省事賜穆爾扎木哈卜齊勒鈔賑
博囉集賽巴喇噶齊等貧乏賜皇子北安王所部馬牛
羊有差夏四月丙戌立巴實伯里和州等處宣慰司庚
寅敕雅爾哈戍守亦奚不薛都元帥伊蘇岱爾還自亦

奚不薛駐軍成都求入見許之仍遣人屯守險隘以侍
衛親軍二萬人助征日本辛卯樞密院臣言蒙古侍衛
軍於新城等處屯田砂礫不可種乞改撥良田從之壬
辰安塔哈求軍官習舟楫者同征日本命元帥張林招
討張瑄總管朱清等行以高麗王就領行省規畫日本
事宜甲午減江南諸道醫學提舉司四省各存其一免
京畿所括豪勢田舊稅三之二新稅三之一高麗國王
王暭請以蒙古人同行省事禁近侍為入求官紊亂選

法申嚴酒禁有私造者財產女子沒官犯人配役申私
鹽之禁許按察司糾察鹽司己亥太陰犯房壬寅太陰
犯南斗癸卯授高麗國王王暉征東行中書省左丞相
仍駙馬高麗國王乙巳命樞密院集軍官議征日本事
宜程鵬飛請明賞罰有功者軍前給憑驗候班師日改
授從之庚戌右丞伊蘇岱爾招撫筠連州定州阿永都
掌等處蠻獨山都掌蠻不降進軍討之生擒酋長得蘭
紐遂班師發大都所造回回砲及其匠張林等付征東

行省辛亥以征日本給後衛軍衣甲及大名衛輝新附
軍鈔敏珠爾丹等檢覈萬億庫以罪繫者多請付蒙古
人治有旨蒙古人為利所汨亦異往日矣其擇可任者
使之五月乙卯給甘州戍軍夏衣戊午丞相巴延諸王
桑阿克達爾等言征緬軍宜參用蒙古新附軍從之已
未免五衛軍征日本發萬人赴上都縱平灤造船軍歸
耕撥大都見管軍代役庚申減隆興府昌州哈里泊管
鹽官吏九十九人以其事諫隆興府定江南民官及轉

運司官公田申子徙揚州淘金夫赴益都立征東行中書省以高麗國王與安塔哈共事給高麗國征日本軍衣甲御史中丞崔彧言江南盜賊相繼而起皆緣拘水手造海船民不聊生日本之役宜姑止之江南四省應辦軍需宜量民力勿強以土產所無凡給物價及民者必以實召募水手當從所欲伺民之氣稍蘇我之力粗備三二年復東征未晚不從丙寅太陰掩心東星免江南稅糧三之二敕阿爾哈雅調漢軍七千新附軍八千

以付索多從征辛未占城行省已破占城其國主補底
遁去降璽書招徠之甲戌發征日本重囚往占城緬國
等處從征設高麗國勸農官四員丙子詔諭諸王桑阿
克達爾先是雲南重囚令便宜處決恐濫及無辜自今
凡大辟仍須待報併省江淮雲南州郡以耶律埒克為
中書參知政事免戍軍差稅禁諸王鄂囉官科擾軍戶
以西南蠻夷有謀叛未附者免西川征緬軍令專守禦
支錢令各驛供給戊寅諸陳言者從都省集議可行者

以聞不可則明以諭言者許按察司官用弓矢監察御史阿嘍罕坐擅免贓錢不糾私釀等罪罷用御史中丞崔彧言罷各路選取室女頒行宋文思院小口斛救以陝西按察司贓罰錢輸於秦王省北京提刑按察司副使僉事各一員立海西遼東提刑按察司治女直碩達勒達部已卯酬諸王哲伯特穆爾給軍羊馬鈔十萬錠海南四川宣慰使朱國寶請益兵討占城國主詔以阿爾哈雅軍萬五千應之用王積翁言詔江南運糧於阿

巴齊新開神山河及海道兩道運之立鄂拓克總管府
辛巳給占城行省索多弓矢甲仗六月丙戌申嚴私易
金銀之禁以甘州行省參政王椅為中書參知政事免
大都及平灤路今歲絲料江南遷轉官不之任者杖之
追奪所授宣勅戊子以征日本民間騷動盜賊竊發呼
圖克特穆爾孟古岱乞益兵禦寇詔以興國江州軍付
之己丑增官吏俸給庚寅定市舶抽分例舶貨精者取
十之一粗者十五差五衛軍修築行殿外垣命諸王呼

雅克圖設斷事官丙申發軍修完大都城辛丑發軍修
築隈堰戊申用巴延等言所括宋手號軍八萬三千六
百人立牌甲設官以統之仍給衣糧庚戌流叛賊陳弔
眼叔陳桂龍於噶達蘇之地辛亥四川行省參政竒爾
濟蘇等討平九溪十八洞以其酋長赴闕定其地立州
縣聽順元路宣慰司節制以向世雄等為乂巴諸洞安
撫大使及安撫使秋七月癸丑朔蠲建寧路至元十七
年前未納苗稅丙辰免徵古桂軍賦諭安塔哈所造征

日本船少緩之所拘商船其悉給還阿里沙坐虛言惑
衆誅太白犯井丁已賜尼姑爾岱等珠衣庚申調軍益
戍雲南丙寅立亦奚不薛宣慰司益兵戍守開雲南驛
路分亦奚不薛地為三設官撫治之癸亥太陰犯南斗
乙丑太白犯井丁卯罷淮南淘金司以其戶還民籍庚
午熒惑犯司怪新附官周文英入見其贄禮銀萬兩金
四十錠特穆爾布哈匿為已有詔即其家搜閱沒入官
敕捕阿哈瑪特婦翁尚書蔡仲英徵償所貸官鈔二十

萬錠阿巴齊姚演以開神山橋渠侵用官鈔二千四百
錠折閱糧米七十三萬石詔徵償仍議其罪壬申亦奚
不薛軍民千戶宋添富及順元路軍民總管兼宣撫司
阿里等來降班師以羅鬼酋長阿利及其從者八覲立
亦奚不薛總管府命阿里為總管丙子減江南十道宣
慰司官一百四十員為九十三員敕上都商稅六十分
取一免大都平灤兩路今歲俸鈔立總教院秩正三品
丁丑命按察司照刷土番宣慰司文卷立鋪軍捕淮西

盜賊淮東宣慰同知宋廷秀私役軍四十人杖罷之庚辰給呼圖克特穆爾等軍貧乏償奇爾哈斯等羊馬價鈔八月癸未以密拉齊平章軍國重事商議公事立懷來淘金所甲午敕大名真定北京衛輝四路屯駐新附軍於東京屯田安南國遣使以方物入貢丙午太白犯軒轅丁未歲星犯鈎鈐浙西道宣慰使史弼言項以征日本船五百艘科諸民間民病之宜取阿巴齊所有船修理以付安塔哈庶寬民力并給鈔於沿海募水手從

之濟州新開河成立都漕運司庚戌賞還役宿衛軍賜
皇子北安王所部軍鈔羊馬九月壬子太白犯軒轅少
女戊午哈喇岱等招降象山縣海賊尤宗祖等九千五
百九十二人海道以寧太陰犯斗壬戌調黎兵同征日
本丙寅古荅奴國因商人阿爾威等來言自願効順併
占城荆湖行省為一徙舊城市肆局院稅務皆入大都
減稅徵四十分之一賞朱雲龍漕運功授七品總押仍
以幣帛給之己巳太白犯右執法辛未以歲登開諸路

酒禁廣東盜起遣兵萬人討之壬申太陰掩井癸酉熒惑犯鬼甲戌太陰犯鬼熒惑犯積尸氣太白犯左執法戊寅史弼陳弭盜之策為首及同謀者死餘屯田淮上帝然其言詔以其事付弼賊黨耕種內地其妻奴送京師給鷹坊人等冬十月庚寅給征日本新附軍鈔三萬錠壬辰車駕由古北口路至自上都癸巳鄂端宣慰使劉恩進嘉禾同穎九穗七穗六穗者各一甲午以平章政事扎薩克為樞密副使詔五衛軍歲以十月聽十之

五還家備資裝正月番上代其半還四月畢入役時各
衛議先遣七人而以三人自代從之乙未享于太廟丙
申太陰犯昴丁酉誅占城逃回軍孟古岱請增蒙古漢
軍戍邊從之以呼圖克總揚州行省索多新益軍庚子
許阿實達軍以兄弟代役建寧路管軍總管黃華叛衆
幾十萬號頭陀軍僞稱宋祥興五年犯崇安浦城等縣
圍建寧府詔布琳濟達史弼等將兵二萬二千人討平
之耶律鑄罷壬寅立東阿至御河水陸驛以便遞運從

濟州潭口驛於新河魯橋鎮給甘州納硫黃貧乏戶鈔
癸卯諸王哲伯特穆爾請括閱常德府分地民戶不許
中書省臣言阿巴齊新開河二處皆有倉宜造小船分
海運從之中書省臣言雅伊密實嘗請諭江南諸郡募
人種淮南田今乃往各郡轉收民戶行省官庫庫尼敦
言其非便宜令於治所召募不可強民從之戊申給碩
達勒達鰥寡孤獨者絹千匹鈔三百錠立和琳平準庫
遣官檢覈益都淘金欺弊罷中興管課提舉司及北京

鹽鐵課程提舉司已酉簽河西質子軍年及丁者充軍
庚戌各道提刑按察司增設判官二員十一月壬子賞
大布哈托歡等戰功銀幣癸丑總管陳義願自備海船
三十艘以備征進詔授義萬戶佩虎符義初名五虎起
自海盜內附後其兄為招討義為總管敕凡盜賊必由
管民官鞫問仍不許私和丁巳命各省印授時厯諸王
哲伯特穆爾請於分地二十四城自設管課官不從又
請立拘權課稅所其長從都省所定次則王府差設從

之詔大都田土並令輸稅甘州新括田土畝輸租三升
已未吏部尚書劉好禮以奇爾濟蘇風俗事宜來上壬
戌復立南京宣慰司乙丑罷開城路屯田總管府八開
城路隸京兆宣慰司戊辰立司農司掌官田邸舍人民
給諸王所部薩哈勒鄂蘭等羊馬以贖其乏河西官府
參用漢人徙甘肅沙州民戶復業大都城門設門尉丁
丑禁雲南管課官於常額外多取餘錢戊寅禁雲南權
勢多取債息仍禁沒人口為奴及黥其面者太白歲星

相犯己卯從諸王珠卜孟古岱等請賞烏特格等銀鈔以旌戰功賜皇太子鈔千錠以御史臺賊罰鈔賜齊哩克昆十二月庚辰賜諸王呼圖克特穆爾衣物呼都拉所部軍銀鈔幣帛甲申賜布色台所部軍衣帛七千馬二千賞西番軍官阿納巴斯等戰功辛卯以察呼所管軍六千人備征日本壬辰給諸王阿濟格牛價以中書參議溫特赫圖塔哈廉貧不阿附權勢賜鈔百錠罷女直出產金銀禁甲午給鈔四萬錠和糴于上都給司閤

衛士貧者人鈔二十錠辛丑賜諸王實勒們等銀以海道運糧招討使朱清為中萬戶賜虎符張瑄子文虎為千戶賜金符徙新附官仕內郡以蠡州還隸真定府路癸卯發粟賑碩達勒達四十九站甲辰太陰掩熒惑丙午罷雲南造賣金箔規措所罷雲南都元帥府及重設官吏定質子令凡大官子弟遣赴京師戊申雲南施州子童興兵為亂敕參知政事阿哈巴克實帥兵合羅羅斯脫兒世合計之給布萬匹賑女直饑民一千戶是歲

斷死罪二百七十八人

元史卷十二

元史本紀卷十二考證

至元十九年七月癸酉賜高麗王王暉金印癸酉宣慰
孟慶元使瓜哇回 案七月戊午朔至癸酉為十六
日此下非癸未即乙酉不應復書癸酉但以下文丁
丑戊寅日推之則自癸至丁中間惟甲乙丙三日其
非癸未乙酉之誤可知二字當係衍文

九月辛酉招討使楊庭璧招撫海外南番 案庭璧原
本作庭堅考續綱目續通鑑俱作庭璧馬八兒等國

列傳亦同今據改

九月乙亥遣使括雲南所產金壬午賜諸王阿濟格金
五千兩銀五萬兩 案原本乙亥作丁亥壬午作壬
申九月為丁巳朔至乙亥為十九日三十日方為丁
亥壬午為二十六日壬申則十六日矣乙亥之下史
文明叙戊寅辛巳等日則實係訛誤而非顛倒也今
改

十月甲辰占城國納款 按占城列傳至元十九年十

月議征占城至二十一年始奉表歸款與此異

十一月甲子給謙州屯田軍衣服丁卯給和林戍還軍校銀鈔幣帛 按謙州原文訛欠州地理志無欠州之名當以音同而誤和林原本訛河林今改

十一月戊寅馬八兒國遣使來貢 按馬八兒傳作二十年與此異

十二月壬辰張文謙為樞密副使 按壬辰原刻作壬寅十二月自丁亥至乙未癸卯中間不應有壬寅今

金史卷十二
據前後干支改

三月己巳歲星犯房

按原本誤乙巳今據前後干支

改

五月丙寅調漢軍新附軍付索多從征

按原本付訛

附今據文義改

十月庚寅給征日本新附軍鈔三萬錠

按新附下原

本脫軍字今據文義增

欽定四庫全書

元史卷十三

明翰林學士亞中大夫知制誥兼修國史宋濂等修

本紀第十三

世祖十

二十一年春正月乙卯帝御大明殿右丞相和爾果斯
率百官奉玉冊玉寶上尊號曰憲天述道仁文義武大
光孝皇帝諸王百官朝賀如朔旦儀赦天下丁巳勅自

今凡奏事者必先語同列以所奏既奏其所奉旨云何
令同列知而後書之簿不明以告而輒書簿者杖筆且
齊己未罷雲南都元帥府所管軍民隸行省甲子罷揚
州等處理算官以其事付行省江浙行省平章孟古岱進
真珠百斤丙寅庫庫尼敦言屯田芍陂兵二千布種二
千石得粳糯二萬五千石有奇乞增新附軍二千從之
丁卯建都王烏蒙及金齒一十二處俱降建都先為緬
所制欲降未能時諸王桑阿克達爾行省右丞台布參

知政事伊克德濟分道征緬於阿昔阿禾兩江造船二萬艘順流攻之拔江頭城令都元帥袁世安戍之遂遣使招諭緬王不應建都太公城乃其巢穴遂水陸並進攻太公城拔之故至是皆降庚午立江淮荆湖江西四川行樞密院治建康鄂州撫州成都立耽羅國安撫司辛未桑阿克達爾遣使進緬國所貢珍珠珊瑚異綵七寶束帶甲戌遣蒙古官及翰林院官各一人祠嶽瀆后土遣王積翁齎詔使日本賜錦衣玉環鞍轡積翁由慶

元航海至日本近境為舟人所害御史臺臣言罪黜之人久忘其名又復奏用乞戒約帝曰卿等所言固是然其間豈無罪輕可錄用者御史大夫伊蘇特穆爾對曰以各人所犯罪狀明白敷奏用否當取聖裁從之丙子建寧叛賊黃華自殺丁丑雲南諸路按察司官陞辭詔諭之曰卿至彼當宣明朕意勿求貨財名成則貨財隨之徇財則必失其名而性命亦不可保矣己卯馬八兒國遣使貢珍珠異寶縑段二月辛巳以福建宣慰使

管如德為泉州行省參知政事征緬浚揚州漕河罷高麗造征日本船丁亥命翰林學士承旨色埒默祀先農于藉田壬辰以江西叛寇妻子賜鷹坊養虎者以布色台逃軍七百餘人付安西王屯田給以牛具邕州賓州民黃大成等叛梧州韶州衡州民相挺而起湖南宣慰使色埒默將兵討之甲午罷羣牧所己亥瑞州獲叛民晏順等三十二人并妻孥送京師罷阿巴齊開河之役以其軍及水手各萬人運海道糧放檀州淘金五百人

還家丁未括江南樂工命安塔哈發兵萬五千人船二百艘助征占城船不足命江西省益之戊申徙江淮行省于杭州徙浙西宣慰司于平江省黃州宣慰司入淮西道立法輪竿于大內萬壽山高百尺漳州盜起命江浙行省調兵進討秦州總管劉發有罪嘗欲歸黃華事覺伏誅遷故宋宗室及其大臣之仕者於內地三月辛亥敕思播管軍民官自今勿遷丁巳皇子北安王諾木罕至自北邊王以至元八年建幕庭于和林北伊埒穆

爾之地留七年至是始歸右丞相安圖繼至以張弘範等將新附軍壬戌更定虎符丙寅乘輿幸上都丁卯太廟正殿成奉安神主甲戌置潮贛吉撫建昌戌兵乙亥高麗國王王暎以皇帝尊號禮成遣使來賀夏四月壬午令軍民同築堤堰以利五衛屯田乙酉省泉府司入戶部立大都留守司兼少府監立大都路總管府立西川延安鳳翔興元宣課司從密喇卜和卓瑪喇勒等言以鈔萬錠為市於巴實伯里及河西上都以哈扎爾齊

依舊揚州鹽運使歲市鹽八十萬石以贖過己亥涿州
巨馬河決衝突三十餘里庠子湖廣行省平章阿爾哈
雅請至海濱收占城散軍復使南征且趣未行者許之
壬寅江淮行省進各翼童男女百人呼圖克特穆爾征
緬之師為賊衝潰戊申高麗王王暎及公主以其世子
諫來朝勅發思播田楊二家軍二千從征緬籍江南鹽
徒軍藏匿者有罪和爾和等所部民戶告饑帝曰饑民
不救儲糧何為發萬石賑之命開元等路宣慰司造船

百艘付狗國戍軍雲南行省為破緬國江頭城進童男
女八十人并銀器幣帛五月己酉從托克托呼言立二
千戶總欽察喀喇子弟願為國宣勞者壬子拘征東省
印癸丑樞密院臣言索多潰軍已令李恒收集江淮江
西兩省潰軍別遣使招諭凡至者皆給糧舟楫損者修
之以俟阿爾哈雅調用從之戊午勅中書省奏目及文
冊不許用輝和爾字其宣命劄付並用蒙古書己未荆
湖占城行省言呼圖克烏瑪喇等將兵征占城前鋒舟

師至舒眉蓮港不知所向令萬戶劉君慶進軍次新州
獲占蠻始知我軍已還矣就遣占蠻向導至占城境其
國主遣阿不蘭以書降且言其國經索多軍馬虜掠國
計已空俟來歲遣嫡子以方物進繼遣其孫路司理勒
蟄等奉表詣闕乙丑取高麗所產鐵蠲江南今年田賦
十分之二其十八年以前逋欠未徵者盡免之阿嚕和
諾克言曩於江南民戶中撥匠戶三十萬無藝業者多
今已選定諸色工匠餘十九萬九百餘戶宜縱令為民

從之詔諭各道提刑按察司分司事宜庚午荆湖占城
行省以兵進據烏馬境地近安南請益兵命鄂州達魯
噶齊趙翥等奉璽書往諭安南河間任丘縣民李移住
謀叛事覺伏誅括天下私藏天文圖識太乙雷公式七
曜厯推背圖苗太監厯有私習及收匿者罪之丁丑呼
圖克烏瑪喇劉君慶等率揚州省軍二萬赴索多軍前
遇風船散其軍皆潰勅追烏瑪喇等誥命虎符及郡將
所受宣勅以河西巴喇罕岱爾等代之仍聽阿爾哈雅

節制閏五月己卯封法喇王為郡王佩虎符改思播二
州隸順元路宣撫司罷西南番安撫司立總管府給西
川蒙古軍鈔使備鎧仗耕遂寧沿江曠土以食四頃以
下者免輸地稅命總帥汪惟正括四川民戶辛未加封
衛輝路小清河神曰洪濟威惠王壬午蒙古侍衛親軍
都指揮使布古岱征黃華回進人口百七十一乙酉以
雲南境內洪城併察罕章隸皇太子丙戌行御史臺自
揚州遷于杭州庚寅賜歸附洞蠻官十八人衣遣還癸

已賜北安王螭紐金印罷皮貨所理算江南諸行省造
征日本船隱弊詔按察司毋得沮撓甲辰安南國王世
子陳日烜遣其中大夫陳謙甫貢玉杯金瓶珠條金領
及白猿綠鳩幣帛等物丙午以侍衛親軍萬人修大都
城六月壬子遣使分道尋訪測驗晷景日月交食厯法
增官吏俸以十分為率不及一錠者量增五分甲寅詔
封皇子托歡為鎮南王賜塗金銀印駐鄂州庚申改蒙
古都元帥府為蒙古都萬戶府砲手元帥府為砲手萬

戶府砲手都元帥府為回回砲手軍匠萬戶府甲子命
伊蘇岱爾部軍六十人淘金雙城從噶達蘇請移阿拉
克岱和林屯田兵與其所部相合屯田五河乙丑中衛
屯田蝗甲戌賜皇子阿雅噶齊集賽台布展等及烏梁
海部民戶鈔二萬一千六百四十三錠皇子諾木罕集
賽台齊哩克昆一萬二百四十六錠以馬一萬一百九
十五羊一萬六十賜托多爾海扎拉爾所部貧軍秋七
月丁丑朔勅荆湖西川兩省合兵討乂巴散毛洞蠻雲

南省臣言騰越永昌羅必丹民心携貳宜令伊蘇岱爾
或汪惟正將兵討之制曰可命樞密院差軍修大都城
己卯立衍福司中書省臣言宰相之名不宜輕授今占
城省臣已及七人宜汰之詔軍官勿帶相銜賜皇子北
安王印復揚州管匠提舉司丁亥江淮行省以占城所
遣太半達連扎赴闕及其地圖來上達喇齊言特訥克
國王出戍高麗調烏蘇等所部軍四百以往今特訥克
已回留軍耽羅去其妻子已久宜令他軍更戍已延等

議以高麗軍千人屯耽羅其留戍四百人縱之還家從之戊子詔鎮南王托歡征占城遣所留安南使黎英等還其國日烜遣其中大夫阮道學等以方物來獻總帥汪惟正言一門兄弟從仕者衆乞仍於秦鞏州置便宜都總帥府仍用元帥印即其兄弟四人擇一人為總帥總帥之下都管府令其兼之汪氏二人西川典兵者亦擇其一為萬戶餘皆依例遷轉從之賜貧乏者鄂勒歡伊魯音特穆爾等鈔七千四百八十錠八月丁未雲南

行省言華帖白水江鹽井三處土老蠻叛殺諸王及行
省使者調兵千人討之定擬軍官格例以西河回回播
和爾等依各官品充萬戶府達魯噶齊同蒙古人女直
契丹同漢人若女直契丹生西北不通漢語者同蒙古
人女直生長漢地同漢人已酉御史臺臣言無籍之軍
願從軍殺掠者初假之以張渡江兵威今各持弓矢而
劫平民若不分隸各翼恐生他變詔遣之還家辛亥江
東招討司尼古爾岱言有旨進討古桂而阿爾哈雅名

羅低雲丹三軍皆後期七月後海風方高糧仗船重
虞不測姑宜少緩從之占城國王乞回索多軍願以土
產歲修職貢使太監亞羅日加翳大巴南等十一人
表詣闕獻三象甲子放福建畬軍收其軍器其部長
近處州郡民官遷轉庚午車駕至自上都甲戌綽鄂
言建都女子沙智治道立站有功已授虎符管領其
元收附民為萬戶今改建昌路總管仍佩虎符從之
月甲申京師地震併市舶入鹽運司立福建等處鹽

市舶都轉運司中書省言福建行省軍餉絕少必於揚
州轉輸事多遲誤若併兩省為一分命省臣治泉州為
便詔以中書右丞行省事孟古岱為江淮等處行中書
省平章政事其行省左丞呼喇珠蒲壽庚參政管如德
分省泉州癸巳太白犯南斗丙申以江南總攝嘉木揚
喇勒智發宋陵冢所收金寶修天衣寺甲辰海南貢白
虎獅子孔雀冬十月丁未享于太廟戊申四川行省言
金齒遺民尚多未附以雅爾哈將特默齊軍二千討之

已酉勅管軍萬戶為行省宣慰使者毋兼管軍事仍為萬戶者毋兼涖民政壬子定漣海等處屯田法辛酉征東招討司以兵征古威宋有手記軍死則以兄弟若子繼詔依漢軍籍之毋文其手丁卯和爾果斯請設科舉詔中書省議會和爾果斯罷事遂寢以招討使張萬為征緬招討使佩三珠虎符戊辰立常平倉以五十萬石價鈔給之甲戌詔行中書省凡征日本船及長年篙手並官給鈔增價募之賜貧乏者伊實根敦扎卜等鈔一

萬四千三錠十一月甲申封納穆爾蒙格齊郡公戊子
命北京宣慰司修灤河道己丑江西行省參知政事頁
特密實禽獲海盜黎德及招降餘黨百三十三人即其
地誅黎德以徇以黎德弟黎浩及偽招討吳興等檻送
京師遷轉官員薄而不就者其令歸農當後庚寅占城
國王遣使大羅盤亞羅日加翳等奉表賀聖誕節獻禮
幣及象二占城舊州主寶嘉婁亦奉表入附庚子以范
文虎為左丞商量樞密院事太陰犯心辛丑和爾果斯

敏珠爾丹張雄飛溫德亨皆罷前右丞相安圖復為右
丞相前江西權茶運使盧世榮為右丞前御史中丞史
樞為左丞博囉默色哈雅薩題勒密實並參知政事前
戶部尚書貝降參議中書省事勅中書省整治鈔法定
金銀價禁私自回易官吏奉行不度者罪之壬寅安圖
盧世榮言阿哈瑪特專政事所用大小官員例皆奏罷
豈無通才宜擇可用者仍用之詔依所言汰選毋徇私
情癸卯福建行省遣使人巴噶魯斯招降南巫里別里

刺理倫大力等四國各遣其相奉表以方物來貢以江
淮間自襄陽至東海多荒田命司農司立屯田法募人
閒耕免其六年稅并一切雜役賜蒙古貧乏者者伊勒
呼錫里哈察球爾等鈔十二萬四千七百二十二錠十
二月甲辰朔中書省臣言江南官田為權豪寺觀欺隱
者多宜免其積年收入限其日期聽人首實踰限為人
所告者徵以其半給告者從之立常平鹽局乙巳崔或
言盧世榮不可為相忤旨罷以丁壯萬人開神山河立

萬戶府以總之辛亥以儀鳳司隸衛尉院癸亥盧世榮
言京師富豪戶釀酒價高而味薄以致課不時輸宜一
切禁罷官自酤賣向之歲課一月可辦從之甲子以高
麗提舉司隸工部乙丑祀太乙丙寅荆湖占城行省遣
八番劉繼昌諭降龍昌寧龍延萬等赴闕奉羊馬白氊
來貢各授本處安撫使立宣慰司招撫西南諸番等處
酋長癸酉命翰林承旨色埒默翰林集賢大學士許國
禎集諸路醫學教授增修本草是月鎮南王軍至安南

殺其守兵分六道以進安南興道王以兵拒於萬劫進
擊敗之萬戶倪閏戰死於劉邨以涇州隸都總帥府賜
蒙古貧乏者烏瑪喇等鈔二千八百八十五錠銀四十
錠

二十二年春正月戊寅以命相詔天下民間買賣金銀
懷孟諸路竹貨江淮以南江河魚利皆弛其禁諸處展
齊飲食官為支給遣官諸路慮囚罪輕者釋之徙屯衛
輝新附軍六千家廩之京師以完倉廩發五衛軍及新

附軍濬蒙邨漕渠庚辰立巴實伯里驛傳毀宋郊天臺
僧格言嘉木揚喇勒智云會稽有泰寧寺宋毀之建寧
宗等攢宮錢唐有龍華寺宋毀之為南郊皆勝地也宜
復為寺以為皇上東宮祈壽時寧宗等攢宮已毀建寺
勅毀郊天臺亦建寺焉壬午詔立市舶都轉運司立上
都等路羣牧都轉運使司諸路常平鹽鐵坑冶都轉運
司甲申遣使代祀五岳四瀆東海后土戊子庫庫尼敦
言先有旨遣軍二千屯田芍陂試土之肥磽去秋已收

米二萬餘石請增屯士二千人從之徙江南樂工八百家于京師封駙馬索隆噶為寧昌郡王賜龜紐銀印西川趙和尚自稱宋福王子廣王以誑民民有信者真定民劉魯爾有三乳自以為異謀不軌事覺皆磔裂以徇移五條河屯田軍五百於兀失蠻札失蠻辛卯發諸衛軍六千八百人給護國寺修造廣御史臺賊罰庫癸巳樞密臣言舊制四宿衛各選一人參決樞密院事請以圖魯卜為簽院從之詔括京師荒地令宿衛士耕種乙

未中書省臣請以御史大夫伊蘇特穆爾為左丞相中丞色埒默為御史大夫罷行御史臺以其所屬按察司隸御史臺行御史臺大夫博羅罕為中書省平章政事帝曰伊蘇特穆爾朕當思之博羅罕寬緩不可安圖對曰阿必實克何如帝曰此事朕自處之罷行御史臺者當如所奏盧世榮請罷福建行中書省立宣慰司隸江西行中書省又言江南行中書省事繁恐致壅滯今隨行省立行樞密院總兵以分其務為便帝曰行院事前

日已言由阿哈瑪特欲其子呼遜兼兵柄而止今議行之流征占城擅還將帥二十三人於遠方丙申帝畋于近郊陞武備監為武備寺尚醫監為太醫院職俱三品陞六部為二品以阿必實克為中書平章政事命禮部領會同館初外國使至常令翰林院主之至是改正荆湖占城行省平叛蠻百六十六洞詔禁私酒己亥分江浙行省所治南康隸江西省辛丑以楊烏魯克台為征古戍招討使佩二珠虎符壬寅造大樽於殿桂木為質

銀內金外鏤為雲龍高一丈七尺是月壬午烏瑪喇領兵與安南興道王遇擊敗之兵次富良江北乙酉安南世子陳日烜領戰船千餘艘以拒丙戌與戰大破之日烜遁去入其城還屯富良江北索多唐古特等引兵與鎮南王會二月乙巳駐蹕柳林增濟州漕舟三千艘役夫萬二千人初江淮歲漕米百萬石於京師海運十萬石膠萊六十萬石而濟之所運三十萬石水淺舟大恒不能達更以百石之舟舟用四人故夫數增多塞渾河

堤決役夫四千人詔改江淮江西元帥招討司為上中
下三萬戶府蒙古漢人新附諸軍相參作三十七翼上
萬戶宿州蘄縣真定沂郟益都高郵沿海七翼中萬戶
棗陽十字路邳州登州杭州懷州孟州真州八翼下萬
戶揚州鎮江潁州廬州亳州安慶江陰水軍益都新軍
湖州淮安壽春揚州泰州掣手保甲處州上都新軍黃
州安豐松江鎮江水軍建康二十二翼翼設達塔魯齊
萬戶副萬戶各一人以隸所在行院江西盜黎德等餘

黨悉平以應放還五衛軍穿河西務河舊例五衛軍十人為率七人三人分為二番十月放七人者還正月復役正月放三人者還四月復役更休息之丙午以荆湖行省所隸八番羅甸隸西川行省分嵐管為二州加封桑乾河神洪濟公為顯應洪濟公己酉為皇孫阿南達立行福司職四品使同知副使各一員辛亥廣東宣慰使頁特密實討湖惠二州盜郭逢貴等四十五寨皆平降民萬餘戶軍三千六百一十人請將所獲渠師入覲

面陳事宜從之丙辰詔罷膠萊所鑿新河以軍萬人隸江浙行省習水戰萬人載江淮米泛海由利津達於京師辛酉御史臺臣言近中書奏罷行御史臺改按察司為提刑轉運司俾兼錢穀而糾彈之職廢矣請令安圖與老臣議從之壬戌太陰犯心中書省臣盧世榮請立規措所經營錢穀秩五品所用官吏以善賈為之勿限白身人帝從之參知政事博羅默特哈雅等因奏世榮姻黨有牛姓者前為提舉今浙西運司課程頗多擬附

轉運副司亦從之詔舊城居民之遷京城者以貲高乃居職者為先仍定制以地八畝為一分其或地過八畝及力不能作室者皆不得冒據聽民作室陞御帶庫兵章佩監徒右千戶濟魯海默色分地泉州賜哈喇實達爾新附民五千戶哈喇齊阿都齊實保實保齊呼雅古齊等嘗從征者亦賜之以民八十戶賜皇太子宿衛臣嘗從征者用盧世榮等言回買江南民土田詔天下拘收銅錢申禁私造酒麴戊辰車駕幸上都帝問省臣行

史臺何故罷之安圖曰江南盜賊屢起行御史臺鎮遏居多臣以為不可罷然與江浙行中書省並在杭州地甚遠僻徙之江州居江浙湖南江西三省之中為便從之立真定濟南太原甘肅江西江淮湖廣等處宣慰司兼都轉運使司以治課程仍立條制禁諸司不得擅追管課官吏有敢沮擾者具姓名以聞增濟州漕運司軍萬二千人立江西江淮湖廣造船提舉司令江浙行省參政馮珪湖廣行省右丞約蘇穆爾參政潘傑龍興行

省左丞已延參政楊居寬簽省陳文福專領課程以昂
吉爾岱為中書左丞相已已復立按察司撥民二萬七
千戶與駙馬索隆噶以和塔拉為平章政事詔各道提
刑按察司能遵奉條畫蒞事有成者任滿陞職贓污不
稱任者罷黜除名詔立供膳司職從四品達魯噶齊令
丞各一員罷融州總管府為州三月丙子遣太史監候
張公禮彭質等往占城測候日昃癸未罷甘州行中書
省立宣慰司隸寧夏行中書省荆湖占城行省請益兵

時陳日烜所逃天長長安二處兵力復集興道王船千餘艘聚萬劫阮盡在永平而官兵遠行久戰懸處其中索多唐古特之兵又不以時至故請益兵帝以水行為危令遵陸以往庚子詔依舊制凡鹽一引四百斤價銀十兩以折今鈔為二十貫商上都者六十而銳一增契本為三錢立上都規措所回易庫增壞鈔工墨費每貫二分為三分夏四月癸卯立行樞密院都鎮撫司置輝和爾驛六所丙午以征日本船運糧江淮及教軍水戰

庚戌監察御史陳天祥劾中書右丞盧世榮罪詔世榮
天祥皆赴上都壬子江陵民張二妻鄧氏一產三男癸
丑詔追捕宋廣王及陳宣中遣中書省樞密院御史臺
官各一員決大都及諸路罪囚大都汴梁益都廬州河
間濟寧歸德保定蝗辛酉以耽羅所造征日本船百艘
賜高麗壬戌御史中丞阿拉克特穆爾郭佑侍御史巴
圖特穆爾參知政事薩題勒密爾等以盧世榮所招罪狀
奏阿拉克特穆爾等與世榮對於帝前世榮悉款服改

六部仍為三品招安圖與諸老臣議世榮所行當罷者
罷之更者更之所用人無罪者朕自我決癸亥勅以敏
珠爾丹所行清潔與安圖治省事五月甲戌以御史中
丞郭佑為中書省參知政事丁丑減上都商稅戊寅廣
平汴梁鈞鄭早以遠方厯日取給京師不以時至荊湖
等處四行省所用者隆興印之哈喇章河西西川等處
所用者京兆印之詔甘州每地一頃輸稅三石壬寅以
軍千人修阿實克鹽場倉以實都為達刺裕勒招討使

佩虎符有旨毋興兵遠攻近地不服者討之右巴等洞蠻平甲申立汴梁宣慰司依安西王故事汴梁以南至江以親王鎮之丁亥中書省臣言六部官冗甚可止以六十八員為額餘悉汰去詔擇廉潔有幹局者存之分漢地及江南拘弓箭軍器為三等下等毀之以中等賜近居蒙古人上等貯庫有行省行院行臺者掌之無省院臺者達魯噶齊輝和爾回回居職者掌之漢人新附人雖居職無得預戊子改昇江烏等都哩木茂海等府

為路雲南行省臣圖卜特穆爾言蠲逋賦徵侵隱戍
民明黜陟罷轉運給親王賦豪戶除重稅決盜賊增
馬取質子定俸祿教農桑優學校卹死事捕逃亡十
事命中書省議其可者行之庚寅真定廣平河間恩
大名濟南蠶災增大都諸門尉副各一人勅多爾濟
集甘沙肅等州流徙饑民行御史臺復徙於杭州丁
徙行樞密院於建康戊戌汴梁懷孟濮州東昌廣平
陽彰德衛輝早罷江南造船提舉司陳日烜走海港

南王命李恒追襲敗之適暑雨疫作兵欲北還思明州
命索多等還烏里安南以兵追躡索多戰死恒為後
以衛鎮南王藥矢中左膝至思明毒發而卒六月庚
命女直碩達勒達造船二百艘及造征日本迎風船
亥揚州進芝草丙辰遣把蘇呼阿里齎鈔千錠往馬
國求奇寶賜已蘇呼虎符阿里金符高麗遣使貢方
庚午詔減商稅罷牙行省市舶司入轉運司左丞呂
夔乞假五月省母江州帝許之因諭安圖曰此事汝

古人不知朕左右復無漢人可否皆自朕決汝當盡心
善治百姓無使重困致亂以為朕羞參知政事張德潤
獻其家人四百戶於皇太子馬湖部田鼠食稼殆盡其
總管祀而祝之鼠即赴水死秋七月壬申造溫石浴室
及更衣殿癸酉詔禁捕獵甲戌勅秘書監修地理志乙
亥安南降者昭國王武道文義彰憲彰懷四侯赴闕戊
寅京師蝗分甘州屯田新附軍三百人田于額齊納之
地己卯以米千石廩昂吉爾貧民壬午陝西四川行中

書省左丞汪惟正入見甲申改齊爾濟蘇等所平大小
十谿洞悉為府州縣修汴梁城丁亥廣東宣慰使頁特
密實入覲以所降渠師郭逢貴等至京師言山寨降者
百五十餘所帝問戰而後降耶招之即降耶頁特密實
對曰其首拒敵者臣已磔之矣是皆招降者也因言格
珠兵後未嘗撫治其民州縣官復無至者故盜賊各據
土地互相攻殺人民俱耗今宜擇良吏往治之從之庚
寅樞密院言鎮南王托歡所總征交趾兵久戰力疲請

於鄂囉齊等三萬戶分蒙古軍千人江淮江西荆湖三
行院分漢軍新附軍四千人選良將將之取鎮南王托
歡阿爾哈雅節制以征交趾從之復以唐古特為荆湖
行省左丞唐古特請放征交趾軍還家休憩詔從托歡
阿爾哈雅處之給諸王阿濟格分地貧民農具牛種令
自耕播乙未雲南行省言今年未暇征緬請收穫秋禾
先伐羅北甸等部從之庚子改開達梁山三州隸夔州
路八月庚子給鈔萬二千四百錠為本取息以贍甘肅

二州屯田貧軍辛酉命有司祭斗三日戊申分四川鎮
守軍萬人屯田成都丙戌車駕至自上都已未詔復立
泉府司秩從二品以達實密領之初和爾果斯以泉府
司商販者所至官給飲食遣兵防衛軍實厭苦不便奏
罷之至是達實密復奏立之九月丙寅遣蒙古軍三千
人屯田清滄靖海戊辰罷禁海商省合刺章金齒二宣
撫司為一治永昌立臨安廣西道宣撫司中書省臣奏
近奉旨括江西水手江淮人皆能遊水恐因此動搖者

衆從之罷榷酤初民間酒聽自造米一石官取鈔一貫
盧世榮以官鈔五萬錠立榷酤法米一石取鈔十貫增
舊十倍至是罷榷酤聽民自造增課鈔一貫為五貫勅
拘銅錢餘銅器聽民仍用令福建黃華畬軍有恒產者
為民無恒產與妻子者編為守城軍汪惟正言鞏昌軍
民站戶并諸人奴婢因饑歲流入四川陝西者彼即括
為軍砧帝曰信如所言當鳩集與之如非已有而強欲
得之者豈彼於法不知懼邪乙亥聽民自實兩淮荒地

免稅三年中書省以江北諸城課程錢糧聽杭鄂二行
省節制道途迂遠請改隸中書從之永昌騰衝二城在
緬國金齒間摧圯不可禦敵勅修之勅自今貢物惟地
所產非所產者毋輒上丙子真獵占城進樂工十人及
藥材鱉魚皮諸物辛巳收工匠之隱匿者丙戌速木都
刺馬荅二國遣使來朝庚戌勅征交趾諸軍除留蒙古
軍百漢軍四百為鎮南王托歡宿衛餘悉遣還別以江
淮行樞密院所總蒙古兵戌江西癸巳雲南貢方物烏

蒙叛命四川行院伊蘇岱爾將兵討之馬湖總管舒策
以蠻軍三百為助降西崖門酋長阿者等百餘戶冬十
月己亥以鈔五千錠和糴于應昌府復分河間山東贖
課轉運司為二遣阿薩爾雅使安南又遣舒蘇德濟領
輝和爾戶一千戌合刺章庚子享於太廟甲辰修南嶽
廟乙巳樞密院臣言托克托穆爾遣使言阿沙阿女阿
則三部欲叛宜遣人往召如不至乘隙伐之不允仍勅
事不議于雲南王額森特穆爾者毋輒行詔征東招討

使多托爾台楊烏魯克台以萬人征古桂因授楊烏魯
克台三珠虎符為征東宣慰司都元帥壬子長葛郾城
各進芝草癸丑立征東行省以安塔哈為左丞相劉國
傑陳巖並左丞洪察珠爾右丞征日本賜托里察罕罕塔
奇呼阿薩爾等印令考覈中書省其制如三品丙辰以
參議特穆爾為參知政事位郭佑上命之曰自今之事
皆責於汝馬法國入貢戊午以江淮行省平章孟古岱
為江浙省左丞相初西川止立四路阿哈穆特濫增為

九臺臣言其地民少留廣元成都順慶重慶夔府五路
餘悉罷去後以山谷險要蠻夷雜處復置嘉定路叙州
宣撫司以控制之陞大理寺為都護府職從二品都護
府言哈喇和卓民饑戶給牛二頭種二石更給鈔一十
一萬六千四百錠糴米六萬四百石為四月糧賑之癸
亥以塔奇呼阿薩爾理算積年錢穀別置司署與省部
敵干擾政務併入省中丁酉勅樞密院計膠萊諸處漕
船高麗江南諸處所造海舶括傭江淮民船備征日本

仍勅習泛海者募水工至千人者為千戶百人為百戶
塔爾海弟陸實言百姓及諸投下民俱令造船於女直
而女直復發為軍工役繁甚納延星納葛爾兩投下鷹
坊採金等戶獨不調有旨遣使發其民烏蒙蠻夷宣撫
使阿蒙叛詔止征羅必丹兵同雲南行省出兵討之郭
佑自言平江南十年間凡錢糧事八經理算今塔奇呼
阿薩爾等又復鈎考宜即罷去帝嘉納之十一月己巳
朔廣東宣慰司百特密實以英德循梅三路民少請改

為州又請以管軍總管于躍為惠州總管蔚州知州茂
巴爾為潮州達魯噶齊帝疑其專不允御史臺臣言御
史臺按察司以糾察百官為職近鈎校錢穀者恐發其
奸私聚羣不逞之徒欲沮其事願陛下依舊制諭之制
可唐午賜王子阿雅噶齊銀印壬申以討日本遣阿巴
拉督江淮行省軍需遣察呼督遼東行省軍需甲戌置
哈喇章四川建都等驛戊寅遣使告高麗發兵萬人船
六百五十艘助征日本仍令於近地多造船已丑籍重

慶府布哈家人百二十三戶為民御史臺臣奏昔宋以無室家壯士為鹽軍數凡五千今存者一千二百二十二人性習戾暴民患苦之宜給以衣糧使屯田自贍詔議行之癸巳勅漕江淮米百萬石泛海貯於高麗之合浦仍令東京及高麗各貯米十萬石備日本諸路軍期於明年三月以次而發八月會於合浦乙未以圖魯古為參知政事盧世榮伏誅丙申赦囚徒黥其面及招宋時販私鹽軍習海道者為水工以征日本十二月勅減

天下罪囚以占城遁還呼圖克劉九田二復舊職從征
日本增安塔哈征日本戰士萬人回回砲手五十人已
亥從樞密院請嚴立軍籍條例選壯士及有力家充軍
勅樞密院向以征日本遣五衛軍還家治裝今悉選壯
士以正月一日到京師江淮行省以戰船千艘習水戰
江中辛丑誅塔奇呼阿薩爾黨人蔡仲英李蹊丁未皇
太子薨戊午以中衛軍四千人伐木五萬八千六百給
萬安寺修造乙未丹太廟楹乙酉立集賢院以濟魯木

領之戊子罷合剌章打金規運所及都元帥敕合剌章
酋長之子入質京師千戶百戶子留質雲南王額森特
穆爾所中書省臣奏納蘇台言減哈喇章冗官可歲省
俸銀九百四十六兩又屯田課程專人主之可歲得金
五千兩皆從之遣濟伯格等考覈雲南行省庚寅詔毋
遷轉工匠官辛卯勅有司祭北斗是歲命江浙轉運司
通管課程集諸路僧四萬於西京普恩寺作資戒會七
日夜併省重慶等處州縣占城行省參政伊克穆蘇等

以軍還駐海外四川遣使以聞敕放其軍還賜皇子托
歡諸王鄂爾和齊齊克布哈公主囊嘉特章等鈔計七
千七百三十二錠馬六百二十九疋衣段百疋弓千矢
二萬發賜諸阿齊格哈喇婁孟古代雙和爾阿寶克哈
坦布格埒等及官戶散居河西者羊馬價鈔三萬七千
七百五十七錠布四千匹絹二千匹以伯克巴拉等貧
乏給鈔七萬六千五百二錠賞諸王阿濟格寶沙汪惟
正布色台額森等所部及征緬占城等軍鈔五萬三千

五百四十一錠馬八千一百九十七匹羊一萬六千六百三十四牛十一米二萬二千一百石絹帛八萬一千匹綿五百三十斤木綿二萬七千二百七十九匹甲千被弓千張衣百七十九襲命帝師聶爾巴沙克置遵錐喇克巴等遞藏佛事于萬安興教慶壽等寺凡十九會斷罪死二百七十一人

元史卷十三

元史本紀卷十三考證

至元二十一年三月丁巳皇子北安王諾木歡至自北邊 按北安原本作北平考諾木歡已於十九年改封北安今據改

五月己未萬戶劉君慶至占城境其國主遣阿不蘭以書降繼遣其孫路司理勒螯奉表 按占城傳作萬戶陳奎又作三月事國主之孫作濟目理勒螯俱與此異

五月庚午命鄂州達嚕噶齊趙肅等往諭安南 按安南傳作至元二十年事與此異

五月丁丑烏瑪喇等率揚州軍二萬赴索多軍前遇風船散其軍皆潰 案烏瑪喇原文作烏馬兒又訛作忽馬兒係一人今併改

閏五月乙酉以雲南境內洪城併察罕章隸皇太子案境內原本訛城內今據明南監本改

六月甲寅詔封皇子托歡為鎮南王駐鄂州 按諸王

表作揚州與此異

七月丁亥賜北安王印 按賜北安王印已載於閏五月此處複載

七月戊子陳曰烜遣阮道學等以方物來獻 按安南傳作至元二十年事與此異

八月辛亥占城國王使太監亞羅日加翳大巴南等詣闕 按占城傳作文勞昂大巴南與此異

十二月鎮南王軍至安南安南興道王以兵拒守 按

諸王表及安南傳俱作二十二年二月事與此異
至元二十二年正月乙未中丞色埒默為御史大夫
按中丞原本訛中書上文以御史大夫為左丞相故
以中丞為御史大夫中書乃省名非官名也今改
立行樞密院 案樞密原本訛樞備今據百官志改
正月丙申命禮部領會同館初外國使至常令翰林院
主之至是改正

專隸翰林也又考禮部領會同館志稱元貞元年始定制亦與此異

二月壬戌陞御帶庫為章佩監 按百官志御帶庫隸於章佩監監秩正三品至元二十二年置庫秩從五品至元二十九年置與此所云陞庫為監者異

四月癸丑詔追捕宋廣王及陳宜中 按宋史至元十年二月宋廣王昺已沈海死陳宜中更先于十四年十一月入占城遂不及今已逾六七年尚有追捕之

命蓋當時尚未深信耳

五月庚寅招集甘沙肅州流徙饑民 按肅州原本訛

速州今據地理志改

八月庚子給鈔萬二千四百錠為本取息 按上文七

月末已有庚子則八月初不應復有庚子七月內干

支初見者為壬申壬申至庚子二十九日然壬申並

未書朔而下文庚子之下戊申之上又不應有辛酉

且庚子距丙寅止二十七日而下文丙寅上又書九

月舛誤特甚為本取息句本字原文訛米今據明南
監本改

十二月乙未戊子庚寅辛卯 按十二月史未書朔以上
文十一月己巳朔推之至丙申二十九日十二月朔
非丁酉即戊戌也月內不應有此四千支當係紀載
之誤

是歲命帝師等遞藏佛事于萬安等寺 按藏字原本
訛藏今據永樂大典本改

